

Kela teâđat

Kela ko'rvveem takssmaa'tkid õhtt jiõččva'sttõs

1.7.2018 ää'ljee'l puk Kela ko'rvveem takssmaa'tkid ti'll'jet Lappist nââmrest 0800 30 2240.

Suei'nnmannu aalgâst ää'ljee'l ä'sšneķ vuäžž ko'rvvõõzz takssmäätķest tã'lķ, jos son ti'llai määtķ kääzzkõspuu't'tee'jest, koin Kela lij tuejjääm suâppmõõžž takssmaa'tķi kääzzkõõzzin. Lappist taaks ti'll'jet nââmrest 0800 30 2240 (Pro-Keskus Oy). Tãn nââmrest ti'll'jum määtķest ä'sšneķ mähss jeänmõsãn jiõččva'sttõsvue'zz. Tõtt lij 25 eu'rred õõutarra tuejjuum määtķest. Ti'll'jemsãitt lij määu'stem.

Pro-Keskus Oy va'sttad Lappist pukin takssjãã'dtummsã kuulli jã'rjstõõllmõõžžin, mã'te ti'll'jõõzzi vuãsttavã'lddmest, maa'tķi õhttõõllmõõžžãst, ti'll'jõõzz oudãs hãiddmest, jãã'dtummsã jã'rjstummšest da jee'res kääzzkõõzzin di ä'sšneķmaacctõõzz vuãsttavãlddmõõžžãst da ķiõtt'tõõllmõõžžãst.

Taaks ti'll'jet nââmrest **0800 30 2240** tãin koo'ddin: Jeãnõk, Aanar, Kee'mm, Kee'mmjãu'rr, Kee'mmjãnnam, Kihttel, Kolari, Muonio, Pelkosenniemi, Pello, Posio, Ranua, Ruã'vnjargg, Salla, Savukoski, Simo, Suã'đjel, Tervola, Tornio, Uccjokk, Ylitornio.

Kuullãmvãkksãž oummu vuãi'tte ti'll'jed taaks te'ksttsaaggin

Kuullãm- da sãrnnamvãkksãž ä'sšnee'ķķ vuãi'tte õinn ti'll'jed takssmäätķes te'ksttsaaggin. Te'ksttsaakk-kääzzkõõzz nããmar pããšš muu'tt'te'mmen. Go vue'ss Kela takssmaa'tķid jã'rjsteei kääzzkõspuu't'tee'jin vaajtããvv, ä'sšnee'ķķ fe'rttai tãin vuu'din i'lmmted vuõssmõs ti'll'jemvuãra teãđeez te'lfoonin, hã't son le'čči ããnnam kääzzkõõzz äãi'jben. Što ä'sšneķ vuäžž te'ksttsaakk-kääzzkõõzz ãã'nma Lappi ko'rvveemvuu'dest, su'st fe'rttai i'lmmted teãđeez vuõššãn te'lfoonin nããmra 0800 30 2240.

Vuõiggãdvuõtt põõššitaaksid seill

Vue'll 16-ekksãž le'be lossãnji puõcci pããrnast lij õinn vuõiggãdvuõtt põõšši taaks ãã'nma le'be tããbdas takssjãã'dteei ãã'nma. Põõššitaaks vuãitt vuäžžad še jeã'rab tu'mmstõõggin. Oudldõssãn põõššitakssjãã'dtõõzz jã'rjstummšã 1.7.2018 mãnġa lij, što Kela ko'rvveem takssjãã'dtummsid jã'rjsteei ti'll'jempãi'ķķ pãstt čuã'jtãd ä'sšneķka põõššitaaks.

Kela ko'rvvii Lappi vuõiggko'rvvõsvuu'dest 119 642takssmä'tķķed ee'jjest 2017. Ko'rvvõõzzid mã'hse 15 600 ooumže da tõi kuul le'jje ããlda 11 milj. eu'rred.

Õhttsi'žže Kela ko'rvvii ee'jjest 2017 nu'tt 3,3 milj. takssmä'tķķed nu'tt 361 000 ooumže. Takssmaa'tķin mã'hse ko'rvvõõzzid 153 milj. eu'rred.

Vuiõggko'rvveemriãšldõk, ko'st maa'tķid ti'll'jet vooudlanji õhttãn ti'll'jemnããmrin, lij leãmmaž ãã'nmmest pirr jãnnam alggee'jj 2015 rãã'jest da Lappi vuu'dest ođđee'jjmannust 2012.

Lââ'ssteâđ: Kela, ouddöskääzzkõözz (maa'tki ko'rvvummuš), plaaneei Anne Hauta, te'l. 040 837 2916 anne.hauta@kela.fi puhelinnumero
Pro-Keskus Oy (takssjää'dtummšid kuulli ää'šš), Jari Tenhunen, te'l. 044 0707054
Jari.tenhunen@taksimikkeli.fi